

تاریخ دباچ : 13 جولای 2018 / 29 شوال 1439ھ

خطبة جمعة

تاجوق:

□

"قرسیاقن منجادی تتامو اللہ"

تربیتن :

اونیت خطبة، بہاکن قغوروسن مسجد

جابتن اگام اسلام سلاغور



سناراي اهلي جاوتنکواس خطبة نکري سلاڱور

- 1- صاحب السعادة داتوء حاج حاريس بن قاسم
ڦڱاره جائس (ڦڱوروسي)
- 2- توان حاج محمد بصاري بن عمر
منتن تيمبلن ڦڱاره، جائس (اهلي)
- 3- كتوا ڦنولوڱ ڦڱاره
بهاگين ڦڱوروسن مسجد، جائس (ستيا اوسها)
- 4- صاحب السماحة داتوء دوكتور حاج انهار بن حاج اوفير
تيمبلن مفتي، جابتن مفتي نکري سلاڱور (اهلي)
- 5- أستاذ محمد فرحان بن ويجاي
إمام بسر مسجد سلطان صلاح الدين عبد العزيز شاه (اهلي)
- 6- أستاذ ايندرا شهريل بن محمد شهيد
ڦڱاواي مجلس اگام اسلام سلاڱور (اهلي)
- 7- توان حاج عبدالحليم حافظ بن صالحين
كتوا ڦنولوڱ مفتي (فتوى)، جابتن مفتي نکري سلاڱور (اهلي)
- 8- داتوء حاج عبد المجيد بن عمر
اهلي جاوتنکواس فتوى نکري سلاڱور (اهلي)
- 9- يغ برهاگيا دوكتور حاج عثمان بن حاج صبرن
منتن ڦنشرح اونيورسيتي ايندوستري سلاڱور (UNISEL) (اهلي)
- 10- توان حاج حميد بن مت عيسى
ڦنشرح، کوليچ اونيورسيتي اسلام انتارابغسا سلاڱور (اهلي)
- 11- توان حاج مد سهاري بن عبدالله
اهلي جاوتنکواس فتوى نکري سلاڱور (اهلي)
- 12- أستاذ خيرالعزمي بن خيرالدين
ڦنولوڱ ڦڱاره اونيت خطبة بهاگين ڦڱوروسن مسجد، جائس (اوروس ستيا)



"قرسياقن منجادي تتامو الله"

الْحَمْدُ لِلَّهِ الْقَائِلِ: الْحَجُّ أَشْهُرٌ مَّعْلُومَةٌ فَمَنْ فَرَضَ فِيهِنَّ
الْحَجَّ فَلَا رَفْتَ وَلَا فُسُوقَ وَلَا جِدَالَ فِي الْحَجِّ وَمَا تَفَعَّلُوا مِنْ
خَيْرٍ يَعْلَمَهُ اللَّهُ وَتَزَوَّدُوا فَإِنَّ خَيْرَ الزَّادِ التَّقْوَى وَاتَّقُونِ يَا أُولِي
الْأَلْبَابِ ¹

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ
مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ عَلَى سَيِّدِنَا
مُحَمَّدٍ وَعَلَى آلِهِ وَأَصْحَابِهِ أَجْمَعِينَ. أَمَّا بَعْدُ، فَيَا أَيُّهَا
الْمُسْلِمُونَ! اتَّقُوا اللَّهَ، أُوصِيكُمْ وَإِيَّايَ بِتَقْوَى اللَّهِ فَقَدْ
فَازَ الْمُتَّقُونَ. قَالَ اللَّهُ تَعَالَى: يَا أَيُّهَا الَّذِينَ ءَامَنُوا اتَّقُوا اللَّهَ
حَقَّ تَقَاتِهِ، وَلَا تَمُوتُنَّ إِلَّا وَأَنْتُمْ مُسْلِمُونَ ^{١٢}

مسلمين يغ درحمتي الله سكالين،

ساي برقسان بوات ديري ساي دان توان ٢
سكالين. ماريله كيت برتقوى كقد الله سبحانه
وتعالى دغن ملقساناكن سكال سورهنش دان
منجاءوهي سكال لارغش كران تقوى اداله بكن

¹ Al-Baqarah : 197.



اوتام اونتوق كيت برتمو مڱهادڱ الله سبحانه
وتعالى داخيرة كلق.

خطبة جمعة ميڱكو اين برتاجوق "ڱرسيافن
منجادي تتامو الله".

حاضيرين جمعة سكالين،

ڱرجالنن حاج بوكنله ڱرجالنن بياسا. اي اداله
ڱرجالنن ممنوهي اوندڱن الله اونتوق مڱونجوهي
بِيْتُ الله. ڱران ايتوله، اوڱكڱن يڱ سنتياس
داولڱ-اولڱ اوليه جماعه حاج اداله:

لَبَّيْكَ اللَّهُمَّ لَبَّيْكَ، لَبَّيْكَ لَا شَرِيكَ لَكَ لَبَّيْكَ،
إِنَّ الْحَمْدَ، وَالنِّعْمَةَ، لَكَ وَالْمُلْكَ، لَا شَرِيكَ لَكَ

"اكو مپاهوت ڱڱكيلنمو، اكو مپاهوت
ڱڱكيلنمو، اكو مپاهوت ڱڱكيلنمو. تيات سڱوتو
باڱيمو. سسوهڱوهش سڱالا ڱوجين، ڱنعمتن دان
ڱراجاءن اداله مپليكمو. تيات سڱوتو باڱيمو".



حاضيرين يڱ برهياگيا،

باگي ميمقورناکن عبادہ يڱ اڱوڱ اين، کيت
ڦرلولة ميدياکن سگالا کڦرلوان يڱ دڦرلوکن،
انتاراڻ:

ڦرتام: ڦرسيافن علمو. ساورڱ باکل حاج
هندقله سنتياس بلاجر دان مڱولڱکاجي چارا دان
قاعدہ ملقساناکن عبادہ اين سرتا حال ۲ يڱ
مليڱوتي روکون ۲ حاج، واجب حاج دان شرط-
شرطن سرتا لارڱن ۲ کتيک احرام، بگيتو جوڱ
مماهي چارا ملاکوکن صلاة جمع دان قصر
کتيک برمسافر. جاڱن ڦرڱي دالم کاڱاءن جاهيل
دڱن مڱڱڱف اي موده. جاڱن برفيکير اونتوق
منيرو اورڱ لاءين سهاج دالم ملقساناکن عبادہ
اين کران اي مليبتکن ڦلباگاي قاعدہ يڱ بربيڱا
انتارا کيت دڱن اورڱ لاءين. والاوڱون تيڱکل
دڱنمڱتن يڱ سام، جماعه حاج موڱکين



مغرجاکن حاج یغ بریذا سام اد حاج افراد، تَمَتُّعُ
اتاو قران. اولیه ایت، ستیاف ایندیویدو قرو
مغتاھوئی فرجالنن حاجش سنڊیری دغن علمو یغ
دقلاجری دالم کورسوس ۲ دان لاتین یغ قرنه
دحاضیری.

کدوا: فرسیافن هرتا اونتوق فرلنجان دتانه
حرام، تمبغ فرجالنن یغ منچوکوئی اونتوق قرکی
دان بالیق، سرتا بکن اونتوق فرلنجان هارین
أهلي کلوارک دان تغکوغن سقنچغ تیمقوه
سقنیغکلنن مغرجاکن حاج دتانه سوچی.

کتیک: قنجاگان کصیحتن دان فرسیافن
فیزیکل. سلاءین دری هرتا، عباده حاج جوک
ملیبتکن اکتیویتی فیزیکل یغ باپق سقرتی طواف،
سعی، ملونتر جمرة. اولیه ایت، قنجاگان
کصیحتن ساغت قرو. اد باءیقن سبلوم برغکت،
باکل حاج ملاتیہ دیریش دغن اکتیویتی برجالن



ڪاڪي اڪر توبوهن تيڊق ترڪجوت دغن اڪتيوتي
فيزيڪل دسان.

ڪأمقت: فرسياقن روحاني دان جيوا. اينيله
فرسياقن ڦاليج اوتام ڪران ڦرجالنن جاءوه
منونايڪن حاج اداله اونتوق برعباده ڪڦد الله
دغن مڱاخلاصڪن نيه بريڪلڪن تقوى ڪڦد الله.
فرمان الله دالم سوره البقرة، ايه 197:

...وَتَزَوَّدُوا فَإِنَّ خَيْرَ الزَّادِ التَّقْوَىٰ وَاتَّقُونِ يَا أُولِي

الْأَلْبَابِ ﴿١٩٧﴾

"...دان هندقله ڪامو ممباوا بڪل دغن
سچوڪوڦن ڪران سسوڱڪوهن سباءيق-باءيق بڪل
ايت اداله تقوى دان برتقواله ڪڦداڪو واهاي
اورغ ۲ يڱ برعقل."

مسلمين يڱ درحمتي الله سبحانه وتعالى،



جماعه حاج جوگ هندقله برتوبه دري سگالا
دوسا يڠ قرنه دلاکوکنش. اين اداله کران سلاءين
ممنوهي تونتوتن روکون ايمان، متلامت مخرجاکن
حاج اداله اونتوق منداقت کامقونن درقد الله
سبحانه وتعالی. اد باءيقن باکل حاج هندقله
منداقتکن کماغن درقد راکن دان تاولنث سبلوم
برغکت کتانه سوچي مکه. سموگ اقابيلا کمبالي
ننتي، کيت اکن برسياه درقد سگالا کسالهن انتارا
کيت دغن الله دان سسام ماعنسي. سبدا رسول
الله ﷺ سقرتي يڠ دروايتکن اوليه أبو هريرة رضي
الله عنه:

مَنْ حَجَّ لِلَّهِ فَلَمْ يَرْفُثْ وَلَمْ يَفْسُقْ رَجَعَ كَيَوْمِ
وَلَدَتْهُ أُمُّهُ

"سسياقا يڠ مخرجاکن حاج دالم کاداءن دي
تيدق مڠکاءولي ايسترين دان تيدق ملاکوکن



معصية، مك دي كمبالي سقرتي هاري دي
دلاهيركن اوليه ايبوڠ (تياد لاني دوسا قدان)."
(رواية البخاري).

قارا تتامو الله جوڠ هندقله ممبياساكن ديري
دغن عباده ۲ سنة سقرتي قيام الليل دان
ممقربايقن باچاءن ايات ۲ سوچي القرءان
سلاءين درقد عباده واجب يغ سمستين
دلقسانكن. كحاضيرنڠ دمَسْجِدِ الْحَرَامِ دان
مَسْجِدِ النَّبِيِّ ننتي قرلو دقنوهي دغن قلباڠاي
عمل عباده لنترن كنجرن عمالن دسيتو دكنداكن
اوليه الله سبحانه وتعالى.

قارا تتامو الله جوڠ قرلو منيغكتكن صفة
صبر كران قرجالنن عباده حاجن ننتي اكن
برهادقن دغن قلباڠاي چابرن دان دوڠاءن، سام
اد فيزيكل ماهوقون مينتل. قرهيمقونن حاج يغ
مليبتكن جوتاءن ماءنسي ايت تنتوڠ مغاندوغي



قلباگاي راکم یغ منونتوت کصبرن ستیاف
ایندیویدو یغ حاضر دسان.

حاضرین سیدغ جمعة سکالین،

باکي یغ بلوم دقغکیل دان منداقت کیلیرن
مغرجاکن حاج، ایلوقله جوک ممبوات فرسیافن
دان فرسدیاعن اول. این ترماسوقله منچوکوفاکن
سیمقنن اونتوق مغرجاکن حاج. اولیه کران حاج
اداله عباده یغ ممرلوکن کممقوان، مک ستیاف
مسلم واجر براوسها ممنوهي کممقوان ایت.
سباگاي ممنوهي روکون اسلام یغ کلیمما، دی
هندقله مندفتراکن دیری دغن فیهق فغوروسن
حاج دان بردعاء کغد الله سبحانه وتعالی اگر
منداقت قلواغ اونتوق منداقت کیلیرن منونایکن
حاج.

حدیث درقد علی رضی الله عنه بهاوا رسول الله

برسبدا: ﷺ



مَنْ مَلَكَ زَادًا وَرَاحِلَةً تُبَلِّغُهُ إِلَى بَيْتِ اللَّهِ وَلَمْ
يَحُجَّ فَلَا عَلَيْهِ أَنْ يَمُوتَ يَهُودِيًّا، أَوْ نَصْرَانِيًّا

"اورغ يغ ممقوپايي كممقوان (هرتا) دان
كندراغن يغ بوليه دكوناكن اونتوق ملقساناكن
عبادة حاج كبيت الله تتاقي دي تيدق
ملقساناكنش، مك جاغن مپسل كالاو دي ماتي
دالم كاداغن يهودي اتا ونصراني."

(رواية الترمذي).

حاضيرين جمعة يغ درحمتي الله سكالين،

مغاخيري خطبة قد ميغكو اين، ماريله سام ۲
كيت حياتي ببراڤ قركارا برايكوت:

1. اومت اسلام هندقله ميقيني بهاوا عباده
حاج اداله روكون اسلام يغ واجب دتوناىكن
سباڭاي ممنوهي تونتوتن عقيدة اسلام يغ كيت
انوتي.



2. اومت اسلام هندقله برعزم دان برنية
اونتوق منونایکن عباده فرض حاج سوقاي
کماتينش کلق دالم کأدعن تله برعزم اتاو تله
مپمقورناکن روکون اسلام.

3. اومت اسلام هندقله ملثکثکن علمو
سموا عبادة یغ دلاکوکن سوقاي عباده یغ
دلاکوکن ایت برتفتن دغن شریعة الله سبحانه
وتعالی.

4. اومت اسلام هندقله مٹھیاتی فلسفه
حاج یغ مروفاکن قرهیمقونن تاهونن ترپسر
اومت اسلام سباکاي لامبغ دان واده قرقادوان
دان قپاتوان امة یغ برققسیکن کساتوان عقیده
دان عباده کقد الله یغ مها اسا.



أَعُوذُ بِاللَّهِ مِنَ الشَّيْطَانِ الرَّجِيمِ
وَأَذِّنُ فِي النَّاسِ بِالْحَجِّ يَأْتُوكَ رِجَالًا وَعَلَى كُلِّ ضَامِرٍ
يَأْتِينَ مِنْ كُلِّ فَجٍّ عَمِيقٍ ﴿٢٧﴾

"دان سروكنله اومت مائسي اونتوق
مغرجاكن عبادة حاج، نسچاي مريك اكن داتغ
كرومه توهنمو دغن برجالن كاكي، دان دغن
منوغكغ برجنيس-جنيس اونتا يغ كوروس يغ
داتغن دري برباكاكي جالن (دان چروق رنتاو) يغ
جاءوه."

(الحج : 27).



بَارَكَ اللهُ لِيْ وَلَكُمْ فِي الْقُرْآنِ الْعَظِيمِ، وَنَفَعَنِي
وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ وَتَقَبَّلَ
مِنِّي وَمِنْكُمْ تِلَاوَتَهُ، إِنَّهُ هُوَ السَّمِيعُ الْعَلِيمُ.
أَقُولُ قَوْلِي هَذَا وَأَسْتَغْفِرُ اللهَ الْعَظِيمَ لِيْ وَلَكُمْ
وَلِسَائِرِ الْمُسْلِمِينَ وَالْمُسْلِمَاتِ، فَاسْتَغْفِرُوهُ إِنَّهُ هُوَ
الْغَفُورُ الرَّحِيمُ.

ابو/ نورول

29.06.2018



خطبة كدوا

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ
لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ
وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ
وَصَحْبِهِ، وَمَنْ تَبِعَهُمْ بِإِحْسَانٍ إِلَى يَوْمِ الدِّينِ. أَمَّا
بَعْدُ، فَيَا عِبَادَ اللَّهِ، اتَّقُوا اللَّهَ، أَوْصِيكُمْ وَإِيَّايَ
بِتَقْوَى اللَّهِ فَقَدْ فَازَ الْمُتَّقُونَ.

سيدغ جمعة يغ درحمتي الله سبحانه وتعالى،

منبر جمعة سكالى لاني برقسن سوقايا كيت
سنتياس برتقوا كقد الله سبحانه وتعالى، دان
مپدري بهاوا اسلام مهاجر كيت سوقايا برسيكف
سدرهان دالم سكاللا عملن. كيت امتله دتونوتوت
اكر منمقيلكن كمولياعن أخلاق، سيكف دان
كقريبادين تيغكي كران رسول الله ﷺ داوتوس
اونتوق ميمقورناكن أخلاق دان سباكاي رحمة



باكي سلوروه اومت دان سكالين عالم. اوليه ايت
ماريله كيت سنتياس ممقربايقكن صلوات دان
سلام كآتس نبى كيت محمد ﷺ. فرمان الله
سبحانه وتعالى:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا
صَلُّوا عَلَيْهِ وَسَلِّمُوا تَسْلِيمًا.

اللَّهُمَّ صَلِّ وَسَلِّمْ عَلَى سَيِّدِنَا وَمَوْلَانَا مُحَمَّدٍ سَيِّدِ
الْمُرْسَلِينَ وَارْضَ اللَّهُمَّ عَنْ أَصْحَابِهِ وَقَرَابَتِهِ وَأَزْوَاجِهِ
وَذُرِّيَّاتِهِ أَجْمَعِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ
وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ قَرِيبٌ
مُجِيبُ الدَّعَوَاتِ وَيَا قَاضِيَ الْحَاجَاتِ. اللَّهُمَّ اعِزِّ
إِسْلَامَ وَالْمُسْلِمِينَ، وَأَهْلِكَ الْكُفْرَةَ وَالْمُبْتَدِعَةَ
وَالْمُشْرِكِينَ وَدَمِّرْ أَعْدَاءَكَ أَعْدَاءَ الدِّينِ. وَانصُرْنَا
عَلَى الْقَوْمِ الْكَافِرِينَ.

اللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ،
وَنَسْأَلُكَ بِأَسْمَائِكَ الْحُسْنَى، وَصِفَاتِكَ الْعُظْمَى، أَنْ



تَحْفَظَ بِعَيْنِ عِنَايَتِكَ الرَّبَّانِيَّةَ، وَبِحِفْظِ وَقَايَتِكَ
الصَّمَدَانِيَّةِ، جَلَالَةَ مَلِكِنَا الْمُعْظَمِ، سُلْطَانَ سَلَاطُورِ،
سُلْطَانَ شَرَفُ الدِّينِ ادريس شاه الحاج ابن
المرحوم سُلْطَانَ صَلَاحُ الدِّينِ عبد العزيز شاه
الحاج. اَللّٰهُمَّ اَدِمِ الْعُوْنَ وَالْهِدَايَةَ وَالتَّوْفِيقَ،
وَالصِّحَّةَ وَالسَّلَامَةَ مِنْكَ، لِوَلِيِّ عَهْدِ سَلَاطُورِ، تَعْكُو
أَمِيرِ شَاهِ ابْنِ السُّلْطَانَ شَرَفُ الدِّينِ ادريس شاه
الحاج، فِي أَمْنٍ وَصَلَاحٍ وَعَافِيَةٍ بِمَنِّكَ وَكَرَمِكَ يَا
ذَا الْجَلَالِ وَالْإِكْرَامِ. اَللّٰهُمَّ اَطْلُ عُمْرَهُمَا مُصْلِحَيْنِ
لِلْمُوظَّفَيْنِ وَالرَّعِيَّةِ وَالْبِلَادِ، وَبَلِّغْ مَقَاصِدَهُمَا لِطَرِيقِ
الْهُدَى وَالرِّشَادِ.

يا الله، اغكاوله توهن يغ مها بركواس، كامي
برشكور كحضرتمو يغ تله مغورنياكن كامي رحمة
دان نعمة، سهيغك كامي داقت منروسكن اوسها
كأره ممقركوكوهكن نكارا اومت اسلام، سباكاي
نكري يغ ماجو، سجهترا دان بركباجيقن دباوه



ناءوغن دان قيمئين راج كامى سباڠاي كتوا اگام
إسلام دنڠري اين.

جوسترو كامى قوهون كحضرتمو يا الله،
تتفكنله ايمان دان فكغن كامى كقد أهل السنة
والجماعة، تريماله عمل صالح كامى، سوپوركنله
جيووا كامى دغن بودي فكري يغ موليا، ساتوكنله
هاتي ۲ كامى، كورنياكنله كامى رزقي يغ لواس لائي
بركة، كاياكن كامى دغن علمو يغ برمنفعة،
ليندوغيله كامى درقد بالا بنچان دان قلهاراله كامى
درقد اجرن يغ تركلوار درقد اسلام سفرتي قدياني
دان اجرن سست سفرتي شيعة، سرتا اجرن ۲
لاءين يغ دفتواكن مپليويغ داري اجرن اسلام اتاو
برتتغن دغن فكغن أهل السنة والجماعة. يا الله
بوكاكنله هاتي كامى اونتوق منديريكن صلاة فرض
ليم وقتو، منوناينكن زكاة ملالوئي لمباڠ زكاة
سلاڠور، موقف دان مغيئفاقن هرتا ملالوئي



قربادنن وقف سلاغور دان تابوع امانه قмбаغونن
اسلام سلاغور.

رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا قُرَّةَ أَعْيُنٍ وَاجْعَلْنَا
لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا حَسَنَةً وَفِي الْآخِرَةِ
حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي
الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ
يَعِظُكُمْ لَعَلَّكُمْ تَذَكَّرُونَ ﴿٩٠﴾

فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُواهُ عَلَىٰ نِعْمِهِ
يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ وَلَذِكْرُ اللَّهِ أَكْبَرُ
وَاللَّهُ يَعْلَمُ مَا تَصْنَعُونَ.
